



ABAI: Adamzattyń b́arın súı baýyrym dep.

Аймақтық қоғамдық-саяси газет • Газет 1932 жылдың 1 мамырынан бастап шығады

BALQASH ONIRI

balqash_oniri_gazeti

balkhashoniry@mail.ru

№29 (13307), 19 СӘУІР, ЖҰМА 2024 ЖЫЛ

Қуандық МАҚСҰТҰЛЫ,
«BALQASH ONIRI»

✓БӘРЕКЕЛДІ!

«Томирис» би тобы – жүлдегер



АҒЫБАЙ БАТЫР АТЫНДАҒЫ ОҚУШЫЛАР САРАЙЫНЫҢ ҚОСЫМША БІЛІМ БЕРУ ПЕДАГОГЫ АЙНҰР МУСЕКЕНОВА ЖЕТЕКШІЛІК ЕТЕТІН «ТОМИРИС» БИ ТОБЫ АЛМАТЫ ҚАЛАСЫНДА ӨТКЕН ЕКІ ХАЛЫҚАРАЛЫҚ – «ЖАС ДАРЫН» ЖӘНЕ «ЖАРҚЫН ЖОЛ» БАЙҚАУЛАРЫНДА ТОП ЖАРЫП, ҮШ ГРАН ПРИ ЖӘНЕ ЕКІ БІРІНШІ ОРЫННЫҢ ЖҮЛДЕСІН ИЕЛЕНІП ҚАЙТТЫ.

Ақтау, Атырау, Байқоңыр, Балқаш қалала-

рынан және Алматы қаласы мен Алматы облысынан қырықтан астам би ұжымы қатысқан байқауда «Томирис» би ұжымы бірінші рет бағын сынап көрді. Ұжымның алғашқы қадамы сәтті болып, үміті ақталды. Ол – байқау жеңімпазы!

Кіші топтың құрамында 9-10 жастағы 11 қыз бала бар. Олар «Жас дарын» байқауында да, «Жарқын жол» байқауында да «Қарлығаш» биімен Гран при жүлдесін алып, үлкен жетістікке жетті. «Жарқын жол» байқауында екі би қойылымын көрсетіп,

екінші орындаған «Снится сон» заманауи биі үшін І орынның жеңімпазы атанды.

Орта топта жасы 11-13-тердегі қыз балалар. Бишілер квартеті «Жас дарын» байқауында сахнаға «Батырлар» биін алып шығып, І орынға ие болды. Ал, «Жарқын жол» байқауында екі би қойылымын көрсетті. Онда бірінші байқауда қойған «Батырлар» биімен Гран приді жеңіп алды. Екінші биі – «Жизнь в движении». Оны бишілер триосы орындады. Осы биі үшін триоға І орынның жүлдесі берілді.

Қуандық СӘДЕНОВ,
«BALQASH ONIRI»

✓АКЦИЯ

КЕШЕ М.ХАМЗИН АТЫНДАҒЫ МӘДЕНИЕТ САРАЙЫНЫҢ АРТ ЖАҒЫНАН ОРЫН ТЕПКЕН «ЖАСТАР» СКВЕРІНДЕ КӨКТЕМГІ АҒАШ ОТЫРҒЫЗУ АКЦИЯСЫ БАСТАЛДЫ. БҰЛ АКЦИЯ БҰРЫНҒЫ ЖЫЛДАРЫ БАСТАЛҒАН ІС-ШАРАЛАРДЫҢ ЖАЛҒАСЫ. БҰДАН ЖАРТЫ ЖЫЛ БҰРЫН, РЕСПУБЛИКА КҮНІ ҚАРСАҢЫНДА БҰЛ САЯБАҚҚА 335 ЖАС ТАЛ ШЫБЫҚТАРЫ ЕГІЛГЕН БОЛАТЫН.

Жасыл желек – жанға сая



Көктемгі тал егу акциясына «Қазақмыс Смэлтинг» ЖШС-нің өндірістік директоры Марат Аубакиров, қала әкімі Сапар Сатаев пен қалалық мәслихаттың төрағасы Ахат Мүслімов, ҚР Құрметті металлургі, Балқаш қаласының Құрметті азаматы Дүйсенғали Байқуатов, қала әкімінің орынбасарлары мен білім бөлімінің басшысы, корпорацияның еңбек ұжымдары, экологтар мен коммуналдық кәсіпорындардың өкілдері қатысты.

Бұл жолы «Жастар» скверіне 24 шырыша көшеті егілді.

– Былтырдан бері тал егу жұмыстары суару жүйесі бар жерлерде ғана жүргізіліп отыр. Қаладағы суару жүйесі мамыр айында көлден су соратын сорап іске қосылған-

нан кейін жұмысын бастайды. Оған дейін отырғызылған көшеттерді суара тұру коммуналдық кәсіпорындарға жүктелді. Бұған мектептер, тағы да басқа мекемелер көмектеспек.

Биыл көктемгі тал егу науқанына «Қазақмыс» Корпорациясы 1800 түп ағаш көшетін әкеліп берді. Олардың ішінде жапырақты және қылқан жапырақты ағаштар бар. Көбісін қаладағы мекемелерге таратып бердік. Қала кәсіпкерлері өз нысандарының алдына егу үшін 200-ден аса көшет алды. ПИК-тер өздеріне қарайтын, суару жүйесі жұмыс істейтін көпқабатты үйлердің маңайына тұрғындармен бірлесіп керегінше ағаш егеді, – деп ата өтті қала әкімі С.Сатаев.

Қалада тал егу жұмыстары күзде де жалғасады.

BALQASH ONIRI

2024 ЖЫЛҒЫ ІІ ЖАРТЫЖЫЛДЫҚҚА ЖАЗЫЛЫҢЫЗ



Жеке тұлғалар үшін - 2500 тт.

Заңды тұлғалар үшін - 3000 тт.

Зейнеткерлер үшін - 2000 тт.

Байланыс телефоны: 6-04-89, 4-25-64, 87024031303
(Kaspi GOLD), мекенжайымыз: Ағыбай батыр көшесі, №9 үй.

Ескерту: Kaspi GOLD арқылы жазылған абоненттің аты-жөні мен мекенжайы көрсетіліп, төлемнің скрин нұсқасын жіберу керек.

balkhashoniry@mail.ru